

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Epistolarvm [epistolarum] D. Philippi Melanchthonis Farrago

Melanchthon, Philipp

Basileae, 1565

VD16 -M3220

Ecclesiae Dei in comitatu Mansfeldensi, Philippus Melanchthon S. D.

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

Ecclesiæ Dei in comitatu Mansfeldenfi, Philippus Melancthon S. D.

Ecclesia inde usq; ab initio memoriam tradidit
 et eorum qui præcipui doctores fuerunt, et gene-
 ris doctrinæ: ut sciret posteritas, quam doctrinam,
 per quos traditam, quibus confirmatam testimo-
 nijs uel iudicijs accepisset: et normam certam ha-
 beret, ad quam conferret sententijs sequentium
 doctorum. Ita Irenæus Polycarpum citat, qui fuit
 auditor Ioannis: et Basilius nutricis testimonium
 celebrat, quæ audierat Gregorium Neocæsariensis,
 de trib. personis diuinitatis. Et cum in Eccle-
 sia Antiochena, quæ à Petro apostolo doctrinam
 acceperat, et fuerat præcipua schola, Samosate-
 nus audacissimè corrumpere dictum in Ioan-
 ne, *ὁ ἀρχὴ λέγει ὁ λόγος*: opposuerunt Malcthon
 et Dionysius (alter Antiochena ecclesiæ, alter A-
 lexandrina) testimonia tradita per Apostolos, et
 eorum auditores. Hanc diligentiam conseruandæ
 memoriæ ueterum qui rectè docuerunt, et eorum
 monumenta custodiendi utilem esse posteritati, ne
 quaquam dubium est: quæ etsi longo tempore in-
 termissa est, cum nec una uox doctrinæ certa esset,
 et pastores muti essent, ac nequissimis summum
 gradum, uidelicet munus docendi cessissent, qui
 fabellas ad quæstum accommodatas circumfere-
 bant:

bant: tamen nunc magna cura reuocanda erat. In
 publicis monumentis Ecclesie & Republice an-
 notare debeant. per quos uiros emendata sit quo
 libet loco uox doctrine, & quorum iudicio singu-
 li approbati sunt. Habuit autē Ecclesia uestra gra-
 uem & honestissimum senem Gutelium, qui initio
 puram doctrinam nobis tradidit. Postea de Luthe-
 ri iudicio senex uenerandus Ioannes Spangenber-
 gius Ecclesijs uestris prae fuit, cuius extant libri:
 ac fuisse eum probatum reuerendo domino Lu-
 thero, D. Langio Erfordiensis, D. Pomerano, &
 caeteris in tota Saxonia docentibus, meministi. Ut
 igitur posteri sciant, uos habuisse hunc testem ue-
 re sententiae, & custodiant doctrinam ab ipso ac-
 ceptā, ut iubet Paulus depositum fideliter custodi-
 re: hortor uos, ut eius nomen & administratio-
 nis tempus in monumentis uestris annotetis, &
 scripta conseruari curetis. Valde metuendum est
 in his ruinis imperiorum, maiores Ecclesie dila-
 cerationes secuturas esse, in quibus poterit uide-
 ri, quorum fuerit eadem sententia: & probandi
 doctores tanquam norma sequendi erunt. Iussi
 igitur & hoc carmen edi, ut memoria Spangen-
 bergij diuturnior sit, & ut doctrinam eius magis
 amplectantur iuniores. Est autem laudanda pie-
 tas Mencilij, quod hanc historiam recitauit, ut
 suam erga fidelem pastorem obseruantiam decla-
 raret:

varet: & ut cæteris ostenderet concordiam in Eccle-
 sia & schola uestra, & mutuam omnium docentium
 beneuolentiam & fuisse & esse. Id exemplum &
 cæteris utile est. Etsi autem præcipue Dei benefi-
 cium est, quod habetis multos uiros honestos &
 concordēs in Ecclesijs & scholis uestris: tamen &
 Spangenbergij modestia multum ad concordiam
 proderat. Hic cum eruditione & multis uirtu-
 tibus excelleret: tamen ab ambitione alienissi-
 mus erat. Et candor in eo erat eximius. Mencilii
 uerò scitis & amea benemeritum esse uestræ Ec-
 clesiæ. Huius officium in hac historia etiam candi-
 dè probare uos decet. Bene & feliciter ualete:
 idibus Decembris, 1550.

Reuerendo uiro, pietate eruditione &
 uirtute præstanti, D. Ioanni Spangen-
 bergio, pastori & superintendenti
 Islebiensi, amico & fratri ob-
 seruando & charissimo,
 G. M.

S. D. Quæ sit sententia nostra & illustris-
 simi Principis Domini D. Georgij ab Anhalt, & c.
 cum ea de re contulimus in causa mulieris, quæ li-
 teras reddidit, intelliges ex literis publicis Cōsisto-
 rij. Mihi hoc placet, ut maritus ipsius: cum sub ue-
 stra u-